



八七七四

讀書志敘

長沙郡
振鐸西
齋

同德
書

端溪
石

書

嗟乎。舉天下無讀書人哉。古之
人。各務其職業。而曰文史為遊
藝。抑末也。今之人。各趨于利祿。
而曰經書為羔雁。則為矣。嗟嗟。
末則可。偽則不可。澠江周伯高。

仲榮季妙才超。義方是式。兄弟相勗。曰真實讀書。見諱往昔。亦自有同心之人。班班史冊。兮是刺其玄言美行。分部而羅。雖一節之幾兮。道罔不采入。總顏曰讀書志。將伶世之覽者。興起而

越風舉天下皆讀書人也。舉天下皆讀書而何憂。國之不寧。首之弗靖哉。予葺所偁遊藝兮。羔雁兮。回視古今。二瀝直是未始讀書也者。若伯高兄弟。醉心簡編。一室之內。凡銖五緯。璀璨

六分
二
于東壁文明之府不必五百里
而知賢人聚矣尚友千古人言
為無日尚之

皇明萬曆歲在庚申夏五月朔

寒山友弟趙宦光題于天階

館



讀書志題辭

讀書人易得知讀書人不易得知讀書
矣又有幸有不幸丈夫擁書如卷何
假南面百城此言非也讀書者南面人志
不可不讀太平天子誦清聖恨不同時
宋唐人主度多天祿至與臣子分韻揚
於風雅強亮若揚摩迎若曹瞞老而
好學自負爭高選名不肯下亦復佳

話。千。古。乃。知。讀。書。一。事。凡。骨。以。之。仙。
愁。勝。以。之。活。免。流。以。之。華。遂。禍。以。之。
高。時。以。之。下。酒。以。之。退。虜。無。秦。世。
靈。無。貴。無。賤。無。老。無。少。無。古。無。今。
獨。此。事。核。絕。於。時。矣。昔。人。云。天。上。無。
不。後。字。神。仙。嗜。靈。能。食。字。鶴。能。醒。讀。
石。能。活。法。無。情。無。性。一。物。猶。好。讀。之。
况。神。仙。耶。程。然。有。幸。者。不。幸。是。

為。難。耳。居。不。須。玉。堂。金。屋。桂。殿。綺。
疏。但。得。絕。古。城。市。築。葺。屋。數。椽。周。
以。曲。池。繚。以。第。所。家。雖。貧。有。田。沃。
許。種。半。畝。能。造。活。教。室。又。生。常。山。水。
佳。治。之。鄉。五。步。之。內。良。朋。連。屋。又。
幸。原。胡。卒。事。得。以。老。其。優。游。閒。曠。
之。身。死。便。歿。於。差。回。塵。世。諱。書。男。子。
某。山。有。世。之。大。快。豈。南。面。人。敢。坐。見。

卦。余廿年一來。躬來不款。讀書。燕。應。雁。間。良。苦。江。上。周。伯。言。仲。崇。標。韻。玉。照。名。通。雅。多。聲。於。時。蕭。高。如。雪。名。海。如。澠。兄弟相呼。手執是編。為友。千古周印。二。二。吁。吐。卦。乃。全。具。讀。去。福。卦。余。不。勝。始。也。能。余。已。學。心。白。石。如。再。不。字。定。當。買。山。授。老。作。讀。去。霜。周。印。年。少。員。奇。行。且。能。願。雲。路。進。賢。士。以。自。版。入。手。爾。時。讀。書。一。福。肯。輸。余。否。吁。吐。卦。周。印。弗。以。自。驕。奇。

雪間社弟吳天胤題



敘言

早知窮達有命。恨不十年讀書。澆語。介果其能讀。何關窮達。何論十年。密之挂角。寬之帶鋤。北海展卷。于行陣。包咸誦習。於俘囚。不聞以他務廢也。劉寔之牛衣。匡衡之編作。承宮之牧豕。不聞以貧廢也。煬帝之閃電窗。鄴侯之牙籤。曹曄之橫梁。不聞以王侯廢也。湘東王。韋孝寬。伶人讀聽。以爲

常玄晏先生。書滌廣譽。不聞以病廢也。陶
隱居之松風積澗。侯道華之手不停披。不
聞以神僊廢也。故夫小庭花竹。數畝清賞。
興味蕭騷。讀而幽快。閣晴陰。山雨忽來。涼
飈徐引。讀而曠。漢書佐酒。茗盃射覆。讀而
豪。河汾教授。苒生徒。後女樂。雪夜修唐書。
諸姬秉燭。磨瑜糜。讀而艷。雞堪解語。鶴曉
銜書。聆鶯蛙之逸響。分雪月之清光。讀而
趣。淵明不求甚解。千里默識其要。韋蘇州。
焚香埽地。邢子才。思得誤書。讀而韻。沈心
冷會。標徃識歸。借千古之說林。領一肯之
妙契。可以怡情。可以遠俗。可以潤枯。可以
忘老。余常謂人生有三快事。一山水。一友
朋。一讀書。山水未必常在目前。友朋或睽
居各方。獨架上。一編時可晤對。又多以病
廢。嬾廢。游閒廢。吾友周氏伯仲。敏質通才。

天倫妙契。偏能讀盡世間書。友天下清人。
碩彥。訪海內名山川。而夏饒于著述。山房
之藏種種。伯高所著讀書志一表。志讀書。
亦以志山水友朋也。是真能讀書者。

梁溪友弟華淑書于清睡閣之

小軒

讀書志自敘

少多遠俗韻澹。落落。自謂於世寡所

偶。故雖求友情長。不敢交好。當世其賢

豪長者。或以世格外收之。亦復不棄。雲林

煙島。古今名勝之區。長思徧訪。春糴不

宿。卧遊頻年。膝情徒介。以過結也。侍兩尊

人之暇。日偕仲弟。取青箱書讀之。有良
未見書。及翻刻善本舊者。不難質衣
隨購。嘗有絕句云。但使書無缺。何妨褐
不完。足可自誇。非漫興語。好爲裝緝。
分古今二案藏之。不使一塵點汙。每抽
展。歌以相娛樂。世上風波。胸中墨塊。闌
卷都消。不復知身之爲窮書生也。何假
南面百城。昔人信非誑哉。鷄窗藜火。
風雨晦明。兩人討論之餘。時復留情著
述。談經衍傳。多所屬艸。無贊板行。讀
書志其一也。初謂簡表不多。可先付梓。
刻既竣。役計日侵。忽三年。家貧無易

事。宜其然乎。志業。纂始。已未。續成。庚申。
憶予于兩年間。寒。氈。不坐。窮。搜。正。史。
苟。及。釋。官。出。我。心。目。任。以。筆。舌。取。其。詞。
事。之。有。全。于。讀。書。者。刪。潤。類。分。每。得。一。
則。如。對。良。友。歷。名。區。喜。不。自。勝。刻。成。而。
後。喜。又。可。知。也。循。閱。再。過。可。以。觀。可。以。興。
志。之。時。義。大。矣。予。還。自。媿。命。媿。
夫。心。手。不。靈。徒。割。裂。古。人。之。成。書。而。不。
能。自。守。一。書。也。鍾。伯。敬。曰。采。緝。古。人。之。
詞。事。勒。成。一。書。者。要。使。覽。者。忘。其。詞。事。
之。出。於。古。若。我。所。自。心。者。之。書。而。原。文。又。題。
所。刪。潤。辭。帶。口。耳。忽。成。之。矣。觀。矣。今。作。述。

為一心。聯今古為一人者。此予小子豈其
人乎。不過窺豹於管。矜得一斑而已。按志
者。記詞事之名。昉於班史。之作漢書也。
予小子闕形一室。遊心千籟。敢希不世
業哉。亦曰勉修家學。志所志也。云余

園高起書

刻讀書志樂言

是刻也。先徵往哲。嗣及今賢。代
由勝國。以邇春秋。人自王公。至
於士女。敢言友尚。千古亦云。佛
德三乘。其減獲事。商雅達宗。
風者志正。不以人廢。

部之分也。原非品第。前人特欲
便於稽考。故掇管窺。妄立名目。
具讀書眼者。諒能見脫筌蹄。
名號字謚。人不一稱。代亦後先。
顛倒總之。隨閱隨疏。非出有
意。

一人一事。彼此載見。詳畧相殊。
悉經撮入。鑿其碎金。成我完
錦。

諸人記載。秦漢已前。字多古。
體今遵。正韻更訂。天下同文。
何須反古。

支王相對賞待文殊何敢遽
為點定一時雅尚盡然故亦
爾工
易稱言不盡意評語似屬可
刪然而護宗讚佛不必盡竭
故小言亦附一二

短說家全以簡雋為宗故鉤
玄提要務韻而適句滯字繁
不辭筆削
羅以一目匪無挂漏深慚表
豹之窺補其缺畧端望同趨
惠而好我

周高起又識

萬曆庚申春仲

婁江友第陸鳳錫書



南京周天明刻

綺山勝畧

潘景昇開

蘭馨居士紀

山以綺名。由綺里季隱也。綺山合三峯。中峯一井。相傳為舜所浚。深丈許。廣五六尺。泉味甘寒。行人從嶺渡者。飲之。雖亢旱不涸。折而西南。山半大石。平廣可數百席。定敵諸山。屏列其前。青紫萬狀。對之頗覺多致。雲冉冉。時從石上起。下視坐石者。儼在雲端。虎丘堪作奴耳。近東峯山谷間。先大父玉骨藏焉。萬樹長松。鬱然深秀。風鳴則濤聲振壑。更有數株。為宋元間物。亭亭參天。常恐摩霄而去。僧廬其下。豈飛來象佛。

言言元
意耶東南二峯下山泉泠泠從亂石中流寒暑無間
每雨過瀆薄而下望之若雲飛濤湧因號兩水灣云
汲之淪茗味差遜二泉山石殊欠玲瓏然苔蘚菁蔥
藤蘿掩映亦自可愛應天河一派水色澄鮮繞其東
南脚下陵谷與衍古木扶踈昔人高蹈其間信有取
爾也

客秋潘景昇問予綺山風景走筆答此今秋讀書
山中偶有是役故附鐫之若日山靈邀吾筆以傳
則吾豈敢則吾豈敢
己未九月白

讀書志十三部目錄

江陰周高起漫次

一之好

二之蓄

三之護

四之專

五之癖

六之慧

七之適

八之友

九之助

十之激

十一之觀

十二之遇

十三之閏

延陵陳士傑書

讀書志

長沙部
振錄西
讀書志

芙蓉江上周高起伯高父纂次

讀書志

讀書志

讀書志

弟榮起仲榮父叅閱

伯高曰簡冊之中意味最為雋永。纔一展讀便覺
引人入妙。然非好之鮮不謂神勞而計迂者。于
忠肅不云乎。書卷多情似故人。晨昏憂樂每相
親。三復斯言。會心實遠。我為同好。爰示典型。述

好部第一

褚季雅清淡簡默。以墳典自娛。常曰。聖賢備在黃卷。

中舍此何求。
竇威少有器局。家世尚武。獨宗文貫。覽群書。專精之。
極。故諸兄詆爲書癡。

墨翟南遊。載書甚多。茲唐子見而怪之。墨子曰。昔周公旦朝。讀書百篇。夕見七十士。故公相天下。其修。至於今。翟上無君上之事。下無耕農之業。安敢廢此。

南唐查文徽。刻苦好學。手寫經史數百卷。

班固幼有雋才。經傳無不究覽。學無常師。善屬文。

侯君房矜嚴。有威容。家累千金。不事產業。篤志好學。王銓少好學。有著述之志。每私錄晉事及功臣行實。未就而卒。

衛颯家貧好學。問隨師無糧。常備以自給。

顧歡家世寒微。歡獨好學。鄉中有學舍。歡貧無以受業。倚舍壁後聽。無遺忘。夕則燃松節。或糠自照讀。

陸羽少牧牛。得南都賦。效群兒誦狀。師拘令雜草記。誦多遺。因嘆曰。歲月往矣。不知書。奈何。遂亾去。褚彥圖少有世譽。父湛之卒。推財與弟。惟取書數千。

卷

張袞年過七十闔門守靜手執經書刊定乖失。

高允少孤夙有奇度初爲沙門名法淨不久而罷性好文學擔笈負書千里就業博通經史。

劉晝少孤貧常閉戶讀書服膺不倦以少墳典杖策入都知宋世良家多書乃求爲其子博士恣意搜覽日夜不息。

李彪少好學時漁陽高閭家富書籍彪往手抄口誦不暇寢食。

李易安字清照趙挺之子明誠妻也明誠字德甫在太學每質衣取錢市碑文果實歸相對展玩咀嚼後從官便有窮盡天下古文奇字之志傳寫未見書買名人書畫古奇器有持徐熙牡丹圖求售者留信宿計無所得還之夫婦相對惋悵者數日及連守兩郡竭俸入以事鉛槧。

魏澹年十五而孤專精好學博涉經史文詞瞻逸。曹彬伐蜀還輜重甚多皆圖書也無銖金寸錦之附。征江南回舟中無他物惟圖籍衣被而已。

李固少好學。徒步尋師。不遠千里。究覽墳籍。結交英賢。

葛洪家貧。好學。嘗披蓁出門。排草入戶。屢遭火。典籍盡。乃負笈徒步。借書抄寫。伐薪以買紙墨。誦習不衰。

唐張叅爲司業。年既老。猶手寫九經。嘗言讀書不如寫書。

王褒蜀人也。講論六藝。群書博盡。奇異之好。郝鑒博覽經籍。躬耕隴畝。吟誦不倦。

馬融少而好問。學無常師。以英儒著名。

王儉幼有神采。專心於學。手不釋卷。王泰幼敏好學。手所抄寫三千許卷。

劉敞有雋才。與兄敞同學。自刻勵博讀。群書言行高遠。

匡衡性好學。邑有富民家多書。衡與之傭作。而不取直。曰願借主人書讀之。

侍中董遇好學。避難時採薪負販。挾經書投閒誦習。嘗曰讀書有三。餘夜者日之餘。雨者月之餘。冬者

歲之餘。

公孫弘家貧。年四十餘。牧豕海上。學春秋。恢奇多聞。六十餘徵起。

衛公李靖。資貌奇偉。通書史。喜未聞見新書。

卽基爲縣令。清慎無營。惟頗令人寫書。樊宗孟謂曰。在官寫書。亦是風流。罪過。基曰。觀過知仁。斯亦可矣。

崔儵以讀書爲務。大署其戶曰。不讀五千卷書。無得出此室。

曹孟德雅好書籍。雖軍中不釋卷。嘗曰。人少好學。

精專長。則善忘。長大而能勤學者。惟吾與袁伯業。杜弼幼敏。給家貧。無書。寄郡學肄業。

宋繇歷顯宦。無餘財。惟書數千卷。雖兵革間。講誦不廢。每聞儒生在門。倒屣出迎。引談經籍。

徐摛幼好學。遍覽五經。爲文好新變。不習舊體。

魏孝文雅好讀書。探其精奧。兼有文筆。愛奇好士。有若饑渴焉。

李鉉三時耕。冬乃入學。以鄉無可師。遂尋師結友。居

五年便閉門討論嘗三歲不就枕著書三十餘卷
王子猷讀書得一義如獲真珠船

裴行健在弘文館惟閉戶讀書固辭薦擢或問故荅
曰遭隋之亂私門書籍蕩盡異在館披閱有成耳
呂向每賣藥卽市讀書博通今古

于仲文少聰敏耽閱不倦父異之曰此兒必興吾宗
龐籍年七十六致仕讀書自娛有詩曰田園貧宰相

圖史舊書生

羊侃膂力絕人雅好文史

邨正安貧好學弱冠能文官秘書耽意文章及美書

呂南公隱居灌園肆力于學

蔡元定讀書西山日惟啖菘于書無不窺覽

天台陶宗儀至元間避地華亭雅好著述每攜筆墨
以耕遇有所得卽書投甕中久之成帙名輟耕錄
馬端臨潛心學問博極群書

王无咎令天台棄去閉門讀書從遊者甚衆

令狐揆嘗雪中跨馬詣張君房借書令蒼頭攜棊負
簾以隨林逸作圖贈之

宋祁父玘夢人遺文選而生故小字選郎知成都每
公暇輒和墨伸紙以修唐書

張昭十歲即閉戶讀書及長淹通經史

司馬光博學無所不通雖已貴顯刻勵甚于韋布

侯道華好子史手不釋卷嘗曰天上無愚懵仙人後

果仙去

關羽字雲長長而好學讀左傳畧皆上口

蕭瑛云少好書酒音律年長以來二事都廢惟書籍

不衰

終

讀書志

芙蓉江上周高起伯高父纂次

弟榮起仲榮父叅閱

伯高曰好必讀盡天下奇編俾帳秘枕函皆為我
物始不徒耳然非傳寫購求不遺餘力縹緲纍
纍終遜富于石渠天祿也述

蓄部第二

秦始皇焚書秦人藏之大酉小酉二山故梁湘東王

云訪酉陽之逸典

大○功○德○

莊周曰惠施多方其書五車

會稽王常問謝玄曰惠子多書何以無一言入
妙玄曰故當是其妙處不傳

漢吳芮性好書聚至二萬卷

李公擇少讀書廬山僧舍書幾萬卷藏于山中時人

號為李氏藏書山房蘇子瞻入山盡讀其書為作

記

唐李谿家藏書萬卷時人號為李書樓

柳仲郢退公布卷不啻晝夜九經三史一抄南北史

再披手書分門三十卷號柳氏自備小楷精謹無

一字肆筆

田偉為江陵尉作博古堂藏書至五萬七千餘卷黃

魯直曰吾嘗校中秘書及遍觀江南名士圖書之

富未有若田氏者

袁峻家貧無書每從人假借必皆抄寫日課五十紙

數不登不已

田弘正性忠孝好功名起樓聚書至萬餘卷

任昉博學多通家雖貧聚書萬卷餘率多異本卒後

武帝使學士勸其書目官無者收之。

王僧孺篤好書史聚至萬卷多奇秘之籍。

晉張華雅愛書史歿後無餘財惟圖籍盈几嘗徙居

載書三十乘摯虞撰定官書皆資以取証天下所

希有者多在華所。

曹曾漢濟陰人積石爲倉以藏書策號曹氏書倉。

倪若水藏書甚多列架不足疊窓安置不見天日子

弟直日看書借書者先投束修羊

王師範唐青州節度使性好儒學聚書萬卷。

石昂家有書數千卷士多就之學問。

孫長孺喜藏書置之樓上時號書樓孫氏。

衡陽王鈞手自搃寫五經藏之巾箱以備遺忘賀珍

曰殿下家富墳索何復須此曰巾箱中有五經于

檢閱既易且一經手書則永不忘。

曾鞏十二能文平生嗜書藏至二萬卷又集古今篆

刻爲金石錄五百卷。

方崧宋隆興初登第二十年安分有守始終所得俸

錢半爲抄書之費。

漢景帝子德立為河間王。修學好古。從民間得善書。必為好寫。加金帛與之。留其真。由是四方之人多。以家藏書籍奏獻者。

沈休文性嗜學。聚書至二萬卷。嘗為步兵校尉。典掌書記。

趙匡凝氣貌甚偉。頗好學問。聚書數千卷。

錢惟演好學。有雋才。嘗曰。學士備顧問。不可不該博。故家聚書。侔于秘府。又多藏古書畫。

劉清之家世藏書千卷。謂之墨莊。

俞奕曾性高簡。喜讀書。見異帙。亟收之。卷積甚富。

凡書觸欣賞。不難解。鸚鵡相從。古人所謂破產。不為家也。王玉遮云。餘錢但買書。若待錢餘。奇書所失多矣。吳寧野

羅紹威工書能文。聚書數萬卷。開館延四方之士。

湘東王博極群籍。加以檟楚。聚書四十年。得八萬餘卷。

沈麟士年踰七十。因書被焚。手就燈下。細寫成卷。復滿數十篋。

虞世南在秘書集群書中可用事手錄之號北堂書抄。

穆子容好學無所不覽遇書便寫得數萬卷。

漢孝武憫書籍散缺建藏書之策置寫書之官下及諸子傳說皆充秘府。

阮孝緒沉靜寡欲篤好墳史博采宋齊以來群籍參校官書著為七錄。一經典二史傳三子兵四文集五技術六佛七道

唐貞觀中顏師古魏徵虞世南繼官秘監請購天下書藏內庫以宮人掌之。

高嶺居官三十年清苦自持手錄數十餘卷。

魏武嘗至王修家見其穀不滿十斛藏書數百卷嘆曰士不浪得名乃辟魏郡守。

李襲譽俸入悉給貧交餘則置書典籍充積四壁。沈立歷仕三朝白首一節藏書數萬卷。

曾崇範好學家貧蓄書頗富詔求遺書刺史賈皓欲售以進曾笑曰墳典天下公器亂藏於家治藏於國何以售為。

羊襲吉勤于寫書年逾八十仡仡不倦。

劉式掌邦計者十餘年。家徒壁立。惟遺書數千卷。夫人指謂諸子曰：此乃父墨莊也。

元詹鼎幼喜讀書。嘗見好書于市。無貲以購。至賣其所乘驢買之。

陶穀曰：韓彥卿有博學記。余偷鈔之。得三百餘事。

常景耽愛典墳。不事生產。遇書有新異者。不問價貴賤。以必得為期。

北魏道武帝問李先曰：天下何物可益人神智？對曰：莫若書籍。遂命天下大索書籍。

韋敬遠少愛文史。畱情著述。手錄數萬言。

元申屠致遠清修苦節。家无餘財。生平恥事權貴。有書萬卷。號墨莊。

盧恒性清恪。博學多通。家无餘貲。有書數百卷。

劉善明常曰：在家當孝。為吏當清。子孫楷棧足矣。歿无遺儲。存書八千卷。

姚察六歲讀書。萬餘言。勵精學業。十二能文。父僧坦

精醫。知名梁代。二宮所賜。皆給察兄弟。為游學資。察盡以之聚蓄圖書。

鄭元素少習詩禮隱居絃誦會集古書至千餘卷鄭
故溫韞甥也嘗言溫發昭陵見石函中鐵匣悉藏
先世圖書鍾王墨跡紙墨如新溫盡取之既歿鄭
得之爲多

黃晞少通經聚書數千卷

同恕家無儋石之儲聚書數萬卷

張雯幼便嗜學構樓蓄書經傳子史下及稗官百家
咸備雯日緝閱研究至其會心得意處引卷疾讀
往往成誦

讀書志

芙蓉江上周高起伯高父纂次

弟榮起仲榮父參閱

伯高曰見夫緇羽之尊經也金函寶笈錦襲香薰
我輩反出其下罪曷勝懣哉故凡書既屬欣賞
便須多方護持蠹蝕蛛封冷劫也雖黃漫圯穢
劫也飄零卷帙殘劫也訛點畫謬音訓紊劫也
四者得免焉庶不辱卷中賢聖至水火爲災遭
不肖子弟數存其間非人之所能護矣述

護部第三

司馬光文史萬餘卷晨夕披閱雖數十年皆新若手未觸者嘗曰賈豎藏貨財吾輩惟此耳當極加寶惜吾每歲以上伏及重陽日視天氣晴明設几案日中側群書其上以曝其腦至啟卷先視几案淨潔藉以茵褥然後敢啟或欲行卽承方板非惟免手汗漬及亦恐觸動其角每竟一版卽側右手大指面襯其沿而覆以次指面撚而挾過每見今人輕以兩指爪撮起是愛書不如愛貨也其人可知矣

柳氏序訓余家昇平里西堂藏經史子集皆有三本一本紙墨籤束華麗者鎮庫一本隨行披閱一本後生子弟爲業

杜暹嘗聚書萬卷卷尾必自跋曰清俸寫來手自校汝曹讀之知聖道鬻及借人爲不孝

韋處厚性嗜學藏書讐正至萬餘卷

趙松雪曰聚書藏書良匪易事善觀書者澄神端慮淨几焚香勿捲腦勿折角勿以爪侵字勿以唾揭

言言六
幅勿以作枕。勿以夾刺。隨損隨修。隨開隨掩。後之得吾書者。并奉贈此法。

武昭王好尚文典。書穿落者。親自補葺。

李清照曰。猶憶德甫在東萊靜治堂。裝標初就。芸籤縹帶。束十卷作一帙。日校二卷。跋一卷。每獲一書。卽日勘校。裝緝故紙。扎精緻。字畫全整。冠于諸家。凡經書本無缺誤者。輒市之。儲作副本。

江祿讀書未竟。雖有急速。必待卷束齊整。然後得起。故書無損敗。

柳宗元得韓退之所寄詩。先以薔薇露浣手。薰王蕤香。後發讀曰。大雅之文。正當如是。

韋述蓄書二萬卷。皆手校定。黃墨精謹。內秘書不及也。高才博識。多所著述。祿山亂。抱國史藏南山。

顏之推云。吾每讀聖賢之書。未嘗不肅衣冠對之。其故紙有五經詞義及賢達姓名。不敢穢用也。

太平清話曰。書畫爲柔翰。故開卷張冊。從容爲上。

宋次道家多書。皆校讐三五遍。故藏書善本。世推宋氏。

鄭覃該深經術以經籍刊謬建言願與鴻儒共力讐刊鏤石太學示萬世法詔可覃乃表周墀崔球等正其文刻石

陸龜蒙少高放通六經借人書篇帙舛壞必為補輯刊正

鄴侯李泌家富圖籍韓愈詩曰鄴侯家多書架插三萬軸一一懸牙籤新若手未觸

齊王攸愛經籍就人借書手刊其迷謬然後返之蘇弁少博學聚書一萬卷手自校讐時號蘇祕府

張纘性好學有書萬卷晝夜披讀不釋手

蕭德言篤學不倦每讀經必盥濯束帶危坐對之或以為勞答曰敬聖人之言豈憚如此

向朗潛心典籍聚書最多手自刊其謬誤

江撻家有賜書數千卷尋讀未嘗釋手

虞穌遇雨舒被覆書身乃大濕

孔臧宣聖後遷御史辭曰臣代以經學相傳乞為太

○真○文○孫○也○常專修家學漢武帝詔可之○是○

漢成哀間謁者陳農購遺書于天下詔劉向等分校

言書志
錄奏向歿詔歆卒父業於是總輯群書奏其七畧
凡三萬三千九十卷

懷想崇文之盛輒思作蠹魚其間趙靈均

牛弘篤好墳典雖冗中雜書不去手官秘書特表秦
火以來書經五厄請開獻書之路上下納之下詔獻
書一卷賚縑一疋

昭明太子好著述東宮書幾三萬恒自討論或與學
士商確今古

唐韓王李元嘉少好學藏書萬卷皆以古文參定同

異

藏書莫盛于開元時兩都各列經史子集四庫本有
正副籤帙軸帶皆異色以別之祿山亂散失殆盡
元載奏以千錢購書一卷至文宗朝四庫復完分
藏于十二庫

隋煬帝秘書上品用紅瑠璃軸中品用紺瑠璃軸漆
軸者下品藏于觀文殿兩廂殿後起妙楷臺藏古
跡寶臺藏名畫

何思澄少勤學工文重結交每分書于友相與校定

李鉉遍遊京邑讀所未見書以文字去聖遠特爲訂
正名曰字辯

孔鮒見李斯議焚書收魯論諸經藏之壁中

馬懷素見秘書盈漫蟬朽建言願下紫微黃門召巨
儒就校謬缺采齊以來書續王儉七志以藏秘府
詔可其奏拜秘書郎

魚豢曰芸香能辟蠹魚使紙不蛀故藏書處稱芸臺
鄭默刪祕書浮穢著魏中經虞松曰乃今朱紫別矣
張耒曰讀書義未通而輒改字最大病也

讀書必先識字字各爲文文合一義文有相假
而義不相蒙秦隸既興古文之義荒矣許慎說
文著文字之教乃炳中天惜開元好徒隸歷朝
槩目爲小學文以臆增義因譌失雖有作者總
号升堂近日趙凡夫集大成于此道著說文長
箋一百八十卷一稟許義旁証古今馮玄成僞
其補同文之治宣三才之蘊信哉周伯高

杜元凱與子貺書曰知洪頗欲學今令同還車到副
書可案錄受之別置一宅弗復以借人

此可爲賢子孫道耳。不然借書三癡，无漫藉口。聞金華虞氏造樓池中，藏書數萬卷，夜則弛，徇榜諸門曰：樓不延客，書不借人，倘善藏矣。後人弗能守，盡求售于胡元瑞。然書歸元瑞，猶爲得所。予常謂積書之家，視後眇象，賢便須擇解人贈之。如蔡邕之于王粲，可也。何忍坐伶一生手澤，供蕩子之酒肉乎？周伯高

讀書志

南唐馮贇築選書室，取九世所蓄書二十萬九千一百廿卷六千九百餘卷，撮其膏髓，別爲一書。終芙蓉江上，周高起伯高父纂次，弟榮起仲榮父叅閱。

伯高曰：鯖美五侯，笑鼎中之莫染。師雄百將，恨闡外之不專。積書而讀，非專致積金，所以同悲也。吾願天下之士，一以情攻書，城毋曰學，癖可媿。徒以插架逞耳述。

專部第四

孔子晚年喜讀易，嘗三絕韋編。曰：假我數年，我于易

則彬彬矣。

董仲舒孝景時爲博士。下帷講誦。蓋三年不窺園。弟子亦或莫見其面。

莊生曰。臧牧羊而亡其羊。問臧奚事。則挾策讀書。何休作公羊訓詁。覃思不窺園者十有七年。司馬光圖書盈几。一室蕭然。嘗以圓木作枕。小睡則轉而覺。仍起讀書。

兒寬貧無資用。常爲弟子都養。時時間行傭作。以給衣食。帶經書。耕鋤止息。輒誦讀不倦。

管寧家貧好學。坐一藜床三十年。當膝處皆穿。邴鑿少孤貧。博覽經籍。躬耕隴畝。吟誦不倦。以儒雅著名。

匡衡字穉圭。父世農夫。至衡始好誦讀。家貧傭作。以供資用。嘗鑿鄰壁引其燈光。夜照讀書。

桓榮少學長安。貧窶無資。嘗客傭。以自給。精力不倦。十五年不窺家園。

陸機服膺儒術。文章冠世。吳滅後。退居舊里。積學十年。弟雲六歲能文。與兄齊名。時稱二陸。

范汪少孤貧。依外家庾氏。及長好學。庾氏亦貧。汪乃廬于園中。布衣蔬食。燃薪寫書。博學多通。善談名理。

張玄清靜無欲。專心經書。方其講問。常不食。終日甯越。苦耕稼之勞。謂其友曰。何爲可以免此。曰。莫如學。學三十年則達矣。越曰。請以十五歲人將休我。不休人將臥。我不敢臥。

沈峻自課讀書。日夜不息。或睡。嘗以杖自擊。

沈麟士織簾。誦書。手口不息。鄉里呼爲織簾先生。

陸澄少好學。無書不覽。行眠坐食。手不釋卷。家多未

見書。

曹叔通寢則懷鉛筆。行則誦詩書。博物識古。爲儒者宗。

竇章好學。有文章。蓬戶蔬食。躬勤孝養。講誦不輟。

承宮少爲人牧豕。徐子盛以春秋授諸生。宮過廬側。

因就聽經。請留門下。拾薪執苦。數年勤勵。不倦。

郎顛字雅。光明經術。研精義。勤心銳思。朝夕不倦。

孫敬字文寶。貧居嗜學。閉門讀書。防睡懸首屋梁。人

言言志
呼為閉戶先生。在大學緝柳為編，用以寫書。

侯瑾少孤貧，依宗人居。性篤學，恒傭作為資。暮還，即

燃柴以讀。

程頤游成都，見治篋籬桶者，挾册就視之，則易也。

許衡幼有異質，七歲入學，授章句。問其師曰：讀書何

為？曰：取科第耳。衡曰：如斯而已乎？後避難，岨嶸山

得王輔嗣易說，夜思晝誦，不少懈。

范純仁少好讀書，夜分不寐，積年帳中烟如墨色。

步騭避難江東，時種瓜自給，晝勤四體，夜誦經傳。後

拜相，猶手不釋書。

賈逵最好春秋，課日讀一遍。

魏王象為人僕牧羊，私讀楊俊見而奇之，為贖身。後

象至位常侍。

王安石初及第，為僉判，每讀書至達旦，畧假寐，日已

高，入府多不及盥漱。

二千石王尊少孤，歸諸父，使牧羊澤中。尊竊學問，能

書史。

路溫舒字長君，父為里監門，使溫舒牧羊。溫舒取澤

言言元
中蒲截以爲牒編用寫書

梁孫康幼清介好學不惰常執卷映雪而讀交游不雜

常林帶經耕鋤其妻餽餉相敬如賓

齊江泌隨月讀書月光斜則握書升屋

車武子篤學不倦家貧乏油夏以紗囊盛螢照書而讀

高鳳專精誦習妻嘗之田曝麥庭中以竿授鳳使護鷄時適暴雨鳳耽書竟忘雨之飄麥

郭瓊意度過人嘗宿人家乞薪自照讀書

陳瓚通九經百家年踰九十筆硯猶勤

虞世南與兄世基同受學于顧野王十餘年精思不懈至累旬不盥櫛文章各妙名重當時議者方晉二陸

沈約幼孤貧篤志好學晝夜不休母恐其以勞生疾嘗爲減油滅火于是約夜輒誦書所讀書

祖瑩年八歲能誦詩書性耽學父母憂其成疾禁不能止嘗密藏火灰中俟父母寢則燃燈照讀以衣

被塞窓戶恐光露爲人所覺。

畢誠早孤好學夜每燃薪照誦母卹其疲奪火使寐誠不爲休博通經史。

劉實家貧力學織牛衣以自給手約繩口誦書該通今古行無玷缺。

吳澄字幼清每讀書至旦毋憂之節其膏火澄乃候毋寢復燃誦所居茅屋數椽程鉅夫題曰草廬時因號爲草廬先生。

馬惟白貧無資晝樵夜誦經傳多通後爲學士猶卷不去手。

鄭灼篤志好學家貧蔬食講授抄書繼日夜筆毫盡每削用之。

褚無量家濱臨平湖有龍現人爭走觀褚時尚幼讀書自若。

安禪制毒龍 周伯高

裴休方兒時講經著書終年不出戶。

張九成年十四遊郡庠閉閣終日對書危坐寒暑不出後謫居談經自樂手不停披歲久庭磚爲磷乃

題柱曰予生平嗜書老來目病執卷就明于此者十四年矣倚立積久雙趺隱然可一笑也

崔光家貧好學晝耕夜誦嘗備書以養親子鴻亦博綜經史

司馬筠少孤貧好學強力精專博通經術尤明三禮師劉瓛深爲所器

胡鏜不喜外慕一室蕭然潛心經術

李戡唐諸王孫也幼孤好學嘗大寒撥薪自炙夜無燃膏默念所記第進士後隱陽羨里著書數百篇

湘東王率意讀史書一日二十卷年十四患目置書左右令人讀聽以爲常夜則五人各直一更有讀失次第或偷卷度紙者必令追讀

劉仁軌少好學世亂不能安業時時畫地書空以寓所習卒以博通聞

裴炎讀書不廢服勤十年尤通左氏春秋

吳枋曰某于嗜書一事如饑食渴飲未嘗一日忘情方木先生吾鄉前哲也縣志不載夏日檢藏書讀其宜齋野乘爲表風流以志懷想周伯高

白居易與元稹書云除讀書屬文外懵然無知至書畫碁博可以接群居之歡者亦一無通曉

孫期習京房易古文尚書家酷貧牧豕養母從學者皆執經壟畔

徐伯珍少孤貧杜門十九年淹貫經史嘗以箬葉學書

陸佃家貧力學借月光讀書著稗雅春秋後傳等書孔延之幼孤貧甚攜經而鋤夜每燃松誦習

鄭鮮之下帷讀書絕交遊之務

王延元性純孝家貧嗜學晝傭賃夜讀書

蘇頲幼好讀書每藏火馬廐竈中取以照讀

董謁字仲玄常遊山澤負挾圖書患其繁重拾葉寫以代之編荆爲牀聚鳥獸毛坐寢其上

游志遠幼遭亂爲人奴常使牧羊以壺漿倩人書字路傍畫地學之後族兄雅贖歸乃于白渠坎爲窟居其中讀書積季

晉張銓耕鋤間帶經不釋屢徵不應常曰古人以容膝爲安何能屈志就祿

薛道衡行文每隱坐空齋踖壁而臥

范宣子十歲能誦詩書尚隱遯茅茨不完手不釋卷

夜以繼日博綜群書

後漢馬畧年七歲閉戶讀書三日一食續命而已

郭元振少雄邁有大志及貴手不置書

讀書志

芙蓉江上周高起伯高父纂次

弟榮起仲榮父叅閱

伯高曰王濛之茶劉伶之酒支道林之馬米海嶽之潔皆情之專過而癖焉者也夫人無癖弗奇癖用之書其致更遠故次專而述

癖部第五

李謚字永和杜門却掃絕跡下帷棄產營書手自刪削每歎曰丈夫擁書萬卷何假南面百城當其論

讀。隆。冬。達。旦。盛。暑。通。宵。後。兩。辟。不。就。惟。以。琴。書。自。娛。

漢朱穆幼耽學銳意講誦或時思至不自知亾失衣冠顛墮坑塹其父以爲專愚幾不知馬之幾足曾丕性沈靜好學杜絕交游不荅候問之禮人嘗以此短之而不忤欣然自得遂兼通五經爲時名儒

阮籍任情不羈或閉戶觀書累月不出或登山臨水經日忘歸博覽群籍尤好老莊當其得意忽亡形骸時人多以爲癡

皇甫謐字士安耽玩典籍忘飲食後得風痺猶披閱不倦時人謂之書淫沈靜寡慾志高尚以著述爲務自號玄晏先生

葛洪究覽典籍閉門却掃未嘗交游不知棋局幾道樗蒲齒名時或尋書問義不遠數千里崎嶇冒涉期于必得尤好仙術

陳元達躬耕誦書年四十不與人交

閤盡人情始閉門反覺多事 周伯高

韋孝寬性喜閱歷史冊卽在軍中嗜不衰末年患眼

猶令學士讀而聽之

陸羽上元初隱居苕溪自稱桑苧翁闔戶耽書或獨

行野中誦讀不得意每慟哭而歸著茶經三篇

丁顛宋初人盡家貲買書至八千卷曰吾聚書多矣

必有河漢好學者為吾子孫

楊雄性警敏讀書寓目輒通家無擔石之儲晏如也

非聖哲之書不好讀離騷嘗潛然流涕

鄭樵字漁仲好著書自負不下劉向楊雄居夾漈山

謝絕人事久之乃游名山搜奇訪古遇藏書家必

借留讀盡乃去

蔡邕到江東得王充論衡歎為高文恒秘玩以為談

助及還北諸公覺其談更遠檢求帳中果得論衡

一部捉數卷持去蔡丁寧之曰惟我與爾共之勿

廣也

王歡字君厚安貧樂道專精讀書不營產業嘗乞食

誦詩家無升斗妻患之或毀其書

邵雍堅苦力學冬不爐夏不扇夜不就寢者數年後

入洛築安樂窩居之幾三十載

朱買臣家貧好讀不治產業嘗樵賣給食擔束薪行且誦書其妻亦負戴相隨數止買臣毋歌謳道中買臣愈益疾歌妻羞之求去買臣笑曰我年五十當富貴今已四十餘矣汝苦日久待我富貴報汝妻怒曰如公等終餓死溝壑耳何能富貴買臣不能留卽聽去由是負薪獨行歌道中後買臣守會稽見故妻仍厚報之

王彥和雅好文筆旣無山水之適又絕親知之交獨敦尚文史披覽不輟

郝隆七夕日人皆晒衣物隆仰臥庭中日晒吾腹中書耳

王筠自序云予少好抄書老而彌篤雖偶見皆卽疏記後重省覽歡興彌深習與性成不覺筆倦

陶弘景讀書萬餘卷一事不知以爲深耻

魏徵少孤落魄棄貲產不營有大志通貫書籍

徐廣一意研覽無書不窺未嘗以產業爲念妻忿之數以相讓廣不爲改數十年家道日落踰八十猶歲讀五經一遍

王韶之家貧好學嘗三日絕糧執卷不輟家人謂之曰困窮如此何不耕荅曰我常自耕耳

硯田無惡歲筆舌可常耕

潘景昇

黃澤生有異質日誦數千言慨然以明經學古自勵好爲苦思屢以成疾不爲少衰雅自重其學以爲人不以六經晦明爲已任雖與言終日亦無益也嘗作思古吟十章

錢思公言一生惟好讀書坐則讀經史臥則讀小說上廁則閱小詞未嘗頃刻釋卷

韋述性嗜書元行冲有書數車述入其室讀之不知寢食

裴休晝講經夜著書終年不出戶

路敬淳少志學足不履門撰姓畧衣冠系錄等書

劉向不交接世俗專積思于經術晝誦書傳夜觀星宿或不寐達旦

劉孝標名峻文藻秀出博極群書嘗寄人廡下燎麻炬照讀時或昏睡蒸其髮髮及覺復讀聞有異書必往祈借崔慰祖稱爲書淫

任末年十四便勤學或依林木之下編草爲菴削荆爲筆夜則映月望星暗則燃蒿自照觀書有合意則題其衣裳及掌中人悅其勤更爲淨衣易之

葉廷珪曰予幼嗜書自肄業郡庠牽絲入仕四十餘年未嘗廢卷食以飴口息以爲枕士大夫家有異書無不借借無不讀讀無不終篇常恨無貲不能盡傳寫間作數十大冊手抄其可用者名曰海錄

王貞少聰敏七歲好學善屬文不治生產以諷誦爲娛

劉歊幼穎異博學有文不娶不仕與族弟許隱居求志以山林書籍相娛劉孝標稱其矯矯出塵如雲中白鶴

殷侑幼有志于學不治貲產長通經術以講道爲樂陽城字亢宗好學家貧不能得書求爲吏隸集賢院竊書讀之晝夜不出戶六年無所不通嘗當歲飢屏跡不過隣里屑榆爲粥講誦不輟隣有所遺皆却不受奴都兒化其德亦清介自約

彭淵材平生好遊一日負一布囊歸曰吾富可以埒

國及開囊止李廷珪墨一九文與可竹一枝歐陽
公五代史藁一編而已

王邵篤好經史專心思書嘗當食時凝思閉目盤肉
爲僕啖而不覺

晉虞溥篤志墳典謂學之染人甚于丹青

崔浩嘗曰予稟性劣弱力不及健婦人惟是專心思
書忘寢與食至夢與鬼爭議遂得周孔要術始知
古人有虛有實妄語者多真正者少

馮偉閉門讀書專精覃思者三十年不交友不殖財

惟清介自樂

蕭德言晚節學愈攻苦妻曰老人何自苦答曰對先
聖言何復憚此

劉述少穎志學雖遊晏不廢卷偶值未見書嘗讀之
忘歸

裴灌見人異書必自取錄卽疾病未嘗輟卷

劉臻耽悅經史終日覃思世事多所遺忘尤精兩漢
書人稱爲漢聖

朱詹好學家貧累日不爨時吞紙實腹無氈被抱犬

言書元
而卧犬亦飢虛起行盜食呼之不至哀聲動隣猶不廢業

杜預博學多通時稱武庫耽思經籍尤好左傳春秋著集解釋例會盟圖比老乃成常言王濟有馬癖和嶠有錢癖武帝聞而問曰卿有何癖對曰臣有左傳癖

孫何好古文爲轉運使苛憲州縣患之乃求古碑磨滅者數本置館中孫至便讀碑辨識文字以爪搔髮垢嗅之往往至暮不復省錄文案

孫何

終

聖